

**“ИРГЭНИЙ НИСЭХИЙН ҮНДЭСНИЙ ТӨВ” ТӨХХК-ИЙН
2025 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНД
ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН АЖЛЫН ТОВЧ ТАЙЛАН**

2025.07.18

Нэг. Хяналт-шинжилгээ, үнэлгээний ажлын зорилго

Иргэний нисэхийн үндэсний төв /ИНҮТ ТӨХХК/-ын үйл ажиллагаанд хяналт-шинжилгээ хийж, үнэлэлт, дүгнэлт өгөх, цаашид анхаарч ажиллах асуудлын талаар санал, зөвлөмж боловсруулах замаар яамны удирдлага, албан тушаалтныг холбогдох мэдээллээр хангах зорилгоор энэхүү хяналт-шинжилгээ, үнэлгээний ажлыг гүйцэтгэлээ.

Төлөвлөгөөнд тусгагдсан арга хэмжээнүүдийн хэрэгжилтийг дүгнэхдээ Засгийн газрын 2025 оны 43 дугаар тогтоолоор баталсан “Хяналт-шинжилгээ хийх журам”, “Үнэлгээ хийх журам”, “Байгууллагын үйл ажиллагаа, үр дүнг үнэлж дүгнэх журам”, Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ыг үндэслэл болгосон.

Хоёр. Танилцуулга

ИНҮТ ТӨХХК-ийн 2025 оны эхний хагас жилийн үйл ажиллагааг Гүйцэтгэлийн төлөвлөгөөний хэрэгжилт, Сайдын тушаалын биелэлт, Шилэн дансны хөтлөлтийн үнэлгээ гэсэн 3 үзүүлэлтээр дүгнэсэн бөгөөд нэгдсэн дүнгээр **84%**-тай байна.

Яамнаас Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө, Улсын хөгжлийн 2025 оны төлөвлөгөөнд туссан төсөл, арга хэмжээг хэрэгжүүлэх нарийвчилсан төлөвлөгөө баталж, холбогдох харьяа байгууллагуудыг хэрэгжүүлэгч байгууллагаар тогтоогоогүй тул эдгээр бодлогын баримт бичгийн хэрэгжилтийг үнэлгээнд оруулаагүй болно.

Эдгээрийг тус тусад нь авч үзвэл:

2.1. ИНҮТ-ийн 2025 оны Гүйцэтгэлийн төлөвлөгөөнд тусгагдсан ажил, үйлчилгээний хэрэгжилтийн байдлыг доорх хүснэгтэд үзүүлэв.

Нийт заалт	Үүнээс						Хугацаа болоогүй	Биелэлтийн хувь
	100%	90%	70%	50%	30%	0%		
60	32	2	10	9	4	2	1	78,8%

2.2. Сайдын тушаалаар өгсөн үүрэг даалгаврын биелэлт:

Нийт заалт	Үүнээс				Биелэлтийн хувь
	Хэрэгжсэн	Хэрэгжээгүй	Хугацаа болоогүй	Хүчингүй болсон	
5	3	1	-	1	75%

2.3. Шилэн дансны хөтлөлтийн үнэлгээ:

Мэдээлэл		Нийт заалт	Үүнээс					Биелэлтийн хувь
			100%	70%	30%	0%	Хугацаа болоогүй	
ИНҮТ	төсөв, гүйцэтгэл	8	6		-	-	2	100%
	хөрөнгө оруулалт, тендер, худалдан авалт	5	4	1	-	-	-	80%
	Бусад	8	7	-	-	-	1	100%
Нийт		21	17	1	-	-	3	98,3%

Гурав. Үнэлэлт, дүгнэлт

Төлөвлөлтийн байдал:

ИНҮТ ТӨХХК нь 2025 оны гүйцэтгэлийн төлөвлөгөө боловсруулахдаа арга хэмжээнүүдийг хариуцах хэлтэс, албадыг нэр заан тусгаж, хэрэгжүүлэх арга хэмжээний хүрэх түвшнийг улирлаар хуваан яамны төлөвлөгөөтэй уялдуулан төлөвлөсөн боловч тухайн арга хэмжээг хэрэгжүүлэхэд яам болон ИНЕГ, ИНҮТ-ийн оролцох үүрэг, хариуцлагыг ялгаатай тодорхойлохгүй байна.

Мөн Засгийн газрын 2025 оны 43 дугаар тогтоолоор “Хяналт-шинжилгээ хийх журам”, “Үнэлгээ хийх журам”, “Байгууллагын үйл ажиллагаа, үр дүнг үнэлж дүгнэх журам” шинэчлэн батлагдсантай холбоотой байгууллагуудын Гүйцэтгэлийн төлөвлөгөөний суурь болон зорилтот түвшинг тоо, хувиар илэрхийлж болохуйцаар шалгуур үзүүлэлтийг тодорхойлж, өөрчлөлт оруулах шаардлагатай байна.

Хэрэгжилтийн байдал:

1) ИНҮТ ТӨХХК-ийн 2025 оны эхний хагас жилийн үйл ажиллагааг Гүйцэтгэлийн төлөвлөгөөний хэрэгжилт, Сайдын тушаалын биелэлт, Шилэн дансны хөтлөлтийн үнэлгээ гэсэн 3 үзүүлэлтээр дүгнэсэн бөгөөд нэгдсэн дүнгээр **84%-тай** байна.

Яамнаас Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө, Улсын хөгжлийн 2025 оны төлөвлөгөөнд туссан төсөл, арга хэмжээг хэрэгжүүлэх нарийвчилсан төлөвлөгөө баталж, холбогдох харьяа байгууллагуудыг хэрэгжүүлэгч байгууллагаар тогтоогоогүй тул эдгээр бодлогын баримт бичгийн хэрэгжилтийг үнэлгээнд оруулаагүй болно. Мөн Ил тод байдлын тайлангаа ирүүлээгүй байна.

2) 2025 оны гүйцэтгэлийн төлөвлөгөөнд туссан 60 арга хэмжээний 57,6% нь эхний хагас жилд хүрэх түвшиндээ бүрэн хүрсэн болон хүрэх шатандаа, 42,4% нь төлөвлөсөн үр дүндээ хүрээгүй байна.

3) Гүйцэтгэлийн төлөвлөгөөний хэрэгжилтийг зорилтуудаар нь авч үзвэл:

Зорилт	Арга хэмжээ	Хэрэгжилтийн хувь
Зорилт 1. ИНД-ээр гэрчилгээжсэн үйлчилгээнд аюулгүй байдал, чанарын удирдлагыг тогтолцоог үр нөлөөтэйгөөр хэрэгжүүлэх сайжруулна.	7	91.4%
Зорилт 2. Олон улсын иргэний нисэхийн байгууллагаас тавигдсан стандарт шаардлагад нийцүүлэн агаарын нивигацийн үйлчилгээний аюулгүй, үр ашигтай, хүртээмжтэй байдлыг хангана.	12	87.5%
Зорилт 3. Олон улсын туршлага, чиг хандлагатай уялдуулан нисэх буудлын үйл ажиллагааг хангана.	12	53.3%
Зорилт 4. Олон улсын иргэний нисэхийн байгууллагаас тавигдсан стандарт шаардлагад нийцсэн иргэний нисэхийн аюулгүйн хамгаалалтын үйл ажиллагааг хангана.	3	100%
Зорилт 5. Олон улсын иргэний нисэхийн байгууллагуудтай хамтын ажиллагааг өргөжүүлнэ.	10	72%
Зорилт 6. Хууль тогтоомжийн хэрэгжилтийг хангаж, компанийн засаглал, хүний нөөцийн удирдлагыг оновчтой хэрэгжүүлж, хөдөлмөрийн бүтээмжийг дээшлүүлнэ.	12	85%
Зорилт 7. Санхүүгийн ил тод байдлыг хангаж, компанийн санхүүг үр ашигтай удирдан зохион байгуулна.	4	70%
Нийт		78,8%

Дөрөв. Санал, зөвлөмж

1. Бүсийн нислэгийн хөдөлгөөний төвийн барилгын ажлыг дуусгаж, ашиглалтад оруулах, “Дэлүүн болдог” нисэх буудлын барилгын ажил, “Өлгий” нисэх буудлын өргөтгөлийн барилгын ажлыг хэрэгжүүлэх, “Буянт-Ухаа” олон улсын нисэх буудлыг түшиглэн хүмүүнлэгийн тусламжийн төв, сургалтын төв байгуулах, “Чингис хаан” олон улсын нисэх буудлыг өргөтгөх, “Шатахуун хангамжийн байгууламж”, “Airport hotel”, “Отгонтэнгэр”, Буйр нуур “4С” ангилал бүхий нисэх буудал байгуулах ажлыг эхлүүлэх, томоохон сум, суурин газар, аялал жуулчлалын бүсүүдэд ерөнхий зориулалтын агаарын хөлгийн байнгын болон түр ажиллагаатай хөөрч буух зурвас, нисдэг тэрэгний талбай байгуулах зэрэг бүтээн байгуулалтын ажлуудыг төлөвлөсөн хугацаанд багтаан дуусгах;

2. Байгууллагын санхүүгийн үйл ажиллагаанд хийгдсэн аудит шалгалтын зөвлөмжийг хэрэгжүүлэх арга хэмжээний төлөвлөгөө батлан хэрэгжүүлж ажиллах, Өр авлагыг барагдуулах, санхүүгийн сахилга батыг сайжруулахад анхаарч хяналтыг сайжруулах;

3. “ИНҮТ” ТӨХХК-ийн бизнес төлөвлөгөө, Нисэхийн мэдээллийн үйлчилгээний эрх олгох сургалтын хөтөлбөрүүд, “Аэродромын хучилтын ашиглалтын нөхцөлийг үнэлэх” стандарт, “ИНҮТ” ТӨХХК-ийн үйл ажиллагааны ерөнхий журмуудыг батлуулах зэрэг санхүүжилт шаардахгүй хэрэгжүүлэх боломжтой ажлуудыг яаралтай дуусгах зохион байгуулалтын арга хэмжээ авах;

4. Өмнө батлагдсан хөдөлмөрийн дотоод журам, цалин хөлсний журам зэрэг гүйцэтгэх удирдлагын үйл ажиллагааны болон компанийн засаглалын дотоод журмуудыг компанийн дүрмийн дагуу Төлөөлөн удирдах зөвлөлөөр хэлэлцүүлж батлуулах;
5. Засгийн газрын 2022 оны 352 дугаар тогтоолоор батлагдсан “Нээлттэй мэдээллийг ил тод байлгах, болон ил тод байдлын шалгуур үзүүлэлт тогтоох, үнэлгээ хийх журам”-ын хавсралтаар Нээлттэй мэдээллийн ил тод байдлын үнэлгээг 5 хэсгийн 98 нээлттэй мэдээллээс өөрт хамаарах асуудлыг shilen.gov.mn сайтад тайлагнаж ажиллахаар шийдвэрлэсний дагуу тус сайтад бүртгүүлэн холбогдох мэдээллийг тогтоосон хугацаанд нь байршуулах, тайлангаа тогтоосон хугацаанд яаманд ирүүлж байх;
6. Бүтэц зохион байгуулалт өөрчлөгдсөн болон хяналт-шинжилгээний журамд өөрчлөлт орсонтой холбогдуулан Гүйцэтгэлийн төлөвлөгөөг шинэчлэхдээ дараах зүйлсийн анхаарах. Үүнд:
 - Тухайн арга хэмжээг хэрэгжүүлэхэд яам, ИНЕГ, ИНҮТ болон бусад харьяа байгууллага, компаниудын оролцох үүрэг, хариуцлагыг ялгаатай тодорхойлж, хэрэгжүүлэх хугацааг уялдуулах.
 - Суурь болон зорилтот түвшинг тоо, хувиар илэрхийлж болохуйцаар шалгуур үзүүлэлтийг тодорхойлж, улирал бүрээр хүрэх боломжтой, бодитойгоор төлөвлөх.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР